

長甯縣志卷之三

祀典

國之大政在祀與戎故首祀典

先師廟

正位塑像前設木主

至聖先師孔子

東配木主

復聖顏子

述聖子思子

西配木主

宗聖曾子

亞聖孟子



東哲木主

先賢閔子騫 冉子雍 端木子賜 仲子由

卜子商 有子若

西哲木主

先賢冉子耕 宰子予 冉子求 言子偃

顓孫子師 朱子熹

國朝歷頒匾額

聖祖仁皇帝匾額 萬世師表

世宗憲皇帝匾額 生民未有

高宗純皇帝匾額 與天地參

仁宗睿皇帝匾額 聖集大成

今上匾額 聖協時中

東廡木主

先賢蘧子瑗 澹臺子明滅 原子憲 南宮子适

商子瞿 漆雕子開 司馬子耕 梁子鱣

冉子孺 伯子虔 冉子季 漆雕子徒父

漆雕子哆 公西子赤 任子不齊 公良子孺

公肩子定 鄒子單 罕父子黑 榮子旂

左人子郢 鄭子國 原子亢 廉子潔

叔仲子會 公西子與如 邾子異 陳子亢

琴子張 步叔子乘 秦子非 顏子噲

顏子何 縣子亶 樂正子克 萬子章

周子敦頤 程子顥 邵子雍

先儒公羊氏高伏氏勝 董氏仲舒 后氏蒼

杜氏子春 諸葛氏亮 王氏通 陸氏贄

范氏仲淹 歐陽氏修 楊氏時 羅氏從彥

李氏侗 呂氏祖謙 蔡氏沈 陳氏淳

魏氏了翁 王氏栢 趙氏復 許氏謙

吳氏澄 胡氏居仁 王氏守仁 羅氏欽順

湯氏斌 黃氏道周 韓氏琦

西廡木主

先賢林子放 宓子不齊 公冶子長 公皙子哀

高子柴 樊子須 商子澤 巫馬子施

顏子辛 曹子邨 公孫子龍 秦子商

顏子高 壤駟子赤 石作子蜀 公夏子首

后子處 容奚容蒧 顏子祖 句井疆

秦子祖 縣子成 公祖子鈞 燕子伋

樂子欬 狄子黑 孔子忠 公西子蒧

顏子之僕 施子之常 申子棖 左子邱明

秦子冉 牧子皮 公都子 公孫子丑

張子載 程子頤

先儒穀梁氏 高堂氏生 孔氏安國 毛氏萇

鄭氏康成 范氏甯 韓氏愈 胡氏瑗

司馬氏光 尹氏焯 胡氏安國 張氏栻

陸氏九淵 黃氏幹 眞氏德秀 何氏基

陳氏子澁 金氏履祥 許氏衡 薛氏瑄

陳氏獻章 蔡氏清 劉氏宗周 陸氏隴其

呂氏坤 孫氏奇逢 李氏綱 文氏天祥

崇聖宮

正位木主

肇聖王本金父公

裕聖王祈父公

詒聖王防叔公

昌聖王伯夏公

啟聖王叔梁公

東配木主

先賢顏氏路 孔氏鯉

西配木主

賢曾氏黜 孟孫氏公宜

東廡木主

長官系志 卷之三
先儒周輔成 張 廸 蔡元定

西廡木主

先儒程 珦 朱 松

祭品

先師前最上爲爵三登一次之實以大羹釧二居登左右
實以和羹一黍一稷盛以二簠一稻一梁盛以二簋
次列登下居其左右之間簠簋左右置籩豆各十籩
之實曰形鹽曰彙魚曰鹿脯曰棗曰栗曰榛曰菱曰
芡曰糗餌曰粉飡豆之實曰菁菹曰芹菹曰葑菹曰
筍菹曰醯醢曰兔醢曰鹿醢曰魚醢曰脾析曰脾豚

如缺是亦陸之產以方物之及時者代之復陳大牢

一羊一豕一帛一饌盤一

四配四壇壇爵三釧二簠簋各二籩豆各八羊一豕一帛
一饌盤一

十哲東西各一壇壇爵三釧一簠簋各二籩豆各四豕一
帛一饌盤一

兩廡各五壇壇爵三釧一簠簋各一籩豆各四豕一帛一
饌盤一

祭

先師樂章六章章八句

春祭夾鐘爲官倍應鐘起調秋祭
南呂爲官仲呂起調凡樂以月

律為宮下羽起調。畢曲春夾鐘宮
二月卯律也。秋南呂宮八月酉律也
迎神樂奏昭平之章無舞

羽宮商角 羽徵角商 宮商徵角 羽徵角角

大哉孔子 先覺先知 與天地參 萬世之師

角徵宮商 宮徵羽徵 宮商羽徵 宮商宮羽

祥徵麟紱 韻答金絲 日月既揭 乾坤清夷

初獻樂奏宣平之章有舞

羽宮商角 徵宮羽徵 商宮徵角 宮商角商

予懷明德 玉振金聲 生民未有 展也大成

角徵羽角 商商角商 羽徵宮羽 宮商宮羽

俎豆千古 春秋上丁 清酒既載 其香始升

亞獻樂秩平之章有舞

羽宮商角 徵角宮羽 徵角宮商 角徵角羽

式禮莫愆 升堂再獻 響協鼗鏞 誠孚罍飶

角角商商 宮羽徵羽 徵角宮商 角商宮羽

肅肅雍雍 譽髦斯彥 禮陶樂淑 相觀而善

終獻樂奏叙平之章有舞

羽宮角商 徵角宮商 角徵宮羽 徵角商宮

自古在昔 先民有作 皮弁祭菜 於論思樂

角徵羽角 宮徵宮商 角角徵羽 徵角宮羽

惟天牖民 惟聖時若 彝倫攸叙 至今木鐸
徹饌樂奏懿平之章 無舞

羽宮商角 羽徵羽角 宮羽角徵 宮商宮羽

先師有言 祭則受福 四海饗宮 疇敢不肅

角徵羽角 宮商宮羽 角徵宮羽 角商宮羽

禮成告徹 毋疏毋瀆 樂所自生 中原有菽

送神奏樂德平之章 無舞

羽宮商角 徵羽宮商 徵角角徵 宮商角商

鳧繹峩峩 洙泗洋洋 景行行止 流澤無疆

角徵宮羽 羽徵宮商 羽角羽徵 宮商宮羽

聿昭祀事 祀事孔明 化我蒸民 育我膠庠

釋奠

屆日五鼓有職事生員各供職事縣官率僚屬生員
序立丹墀下聽贊唱禮瘞毛血進饌縣官率僚屬三
跪九叩首迎神樂奏昭平之章縣官盥洗升自東階
詣

先師前跪行初獻禮俯伏興詣四配亦如之詣讀祝所跪
階下各官屬皆跪讀畢俯伏興復位教諭盥洗升自
東階詣東哲跪行初獻禮俯伏興詣東廡四壇亦如
之復位訓導盥洗升自東階詣西哲跪行初獻禮俯

伏興詣西廡四壇亦如之復位樂奏宣平之章縣官升自東階詣

先師前跪行亞獻禮俯伏興詣東廡四壇亦如之復位訓導升自東階詣西哲跪行亞獻禮俯伏興詣西廡四壇亦如之復位樂奏秩平之章縣官升自東階詣先師前跪行終獻禮俯伏興詣四配亦如之復位教諭升自東階詣東哲跪行終獻禮俯伏興詣東廡四壇亦如之復位訓導升自東階詣西哲跪行終獻禮俯伏興詣西廡之四壇亦如之復位樂奏叙平之章縣官升自東階詣香案前跪階以下皆跪飲福受胙俯伏

興縣官降自階復位率僚屬生員謝胙樂奏懿平之章徹饌縣官率僚屬生員三跪九叩首送神樂奏德平之章詣燔燎所燔祝帛退

崇聖祠祭品視四配祭日同文廟而先行禮三獻主以教諭東西配訓導主之

名宦祠爵三簋簋各一籩豆各四豕一帛一教諭主之鄉賢祠爵三簋簋各一籩豆各四豕一帛一訓導主之社稷壇歲以春秋二仲上戊日縣官蒞祭爵三劔各一簋籩各二籩豆各四羊一豕一帛各一色用黑禮行三獻樂用鼓吹

風雲雷雨山川城隍歲以春秋二仲上戊日縣官蒞祭爵
三劔二簠簋各二籩豆各四羊一豕一帛七色用白
禮行三獻樂用鼓吹先風雲雷雨次山川次城隍
先農壇歲仲春耕籍孟夏上辛雩祭季冬蜡祭皆爵三劔
二簠簋各一籩豆各四羊一豕一帛一縣官率僚屬
行三獻禮仲春祭畢就籍田耕籍各九推賞農官
文昌宮歲春秋二仲月二祭爵三劔二簠簋各一籩豆各
八牛一羊一豕一帛一縣官蒞之先祭帝三代而後
於帝前行禮

關帝廟歲春秋二仲月并五月十三三祭爵三劔二簠簋
各一籩豆各八牛一羊一豕一帛一縣官蒞之先祭
帝三代而後於帝前行禮

旗纛神歲霜降於教場祭之防汛行禮

邑厲壇歲清明中原十月朔三祭祭先期三日縣牒告城
隍至日迎城隍神位於壇主之設無祀鬼神牌於壇
下左右祭品羊一豕一果蔬羹飯各十冥衣錢錠數
百具縣官蒞之按學政全書

康熙三十三年覆准凡地方大小各官惟

萬壽元旦冬至春秋二祭用生員贊禮此外羣祀執事生
員不預

聖祖制度所以優禮士子不欲其濫為人設萬世莫易也
部頒各廟祭文

祭

先師孔子文 維年月日某官某致祭於

至聖先師孔子神位前曰恭維

先師德隆千聖道冠百王揭日月以常行自生民所未有
屬文教昌明之會正禮節樂和之時辟雍鐘鼓咸恪
薦於馨香泮水膠庠益致嚴於邊豆茲當仲春秋祇
率彝章肅展微忱幸將祀典謹以復聖顏子宗聖曾
子述聖子思亞聖孟子配

祭

崇聖祠文 維年月日某官某致祭於

肇聖王 裕聖王 詒聖王 昌聖王 啟聖王神位前

曰 維王奕葉鍾祥光開聖緒盛德之後積久彌昌
凡聲教所覃敷率循源而溯本宜肅明禮之典用申
守土之忱茲屆仲春幸修祀事謹以先賢顏氏先賢
曾氏先賢孔氏先賢孟子配饗

祭

名宦祠文 維年月日某官某致祭於

歷代名宦神位前曰惟公宏才敷政清慎勤職德心克廣

遐邇沛澤民到於今懷恩罔釋某等步塵仰止追思

莫及仲春祭秋祭鑒此滴滴尚饗

祭鄉賢祠文 維年月日某官某致祭於

歷代鄉賢神位前曰惟公先代名賢後學典模心傳孔孟

繼述唐虞篤志理學道統日新景仰高風是遵是循

茲屆仲春肅將祀典虔備牲帛式陳清薦尚饗

祭忠孝祠文 維年月日某官某致祭於

旌表歷代忠義孝弟神位前曰惟公惟靈稟賦貞純躬行

篤實忠誠奮發貫金石而不渝義聞宣昭表鄉閭而

共式祗事懋彞倫之大性摯莪蒿克恭念天顯之親

情殷棟蓐模楷咸推夫懿德

綸恩特闡其幽光祠宇維隆歲時式祀用陳尊簋來格几

筵尚享

祭節孝祠文 維年月日某官某致祭於

旌表節孝婦神位前曰惟靈純心皎潔令德柔嘉矢志完

貞全閨中之亮節竭誠致敬彰閭內之芳型茹冰擘

而彌堅清操自勵奉盤匱而匪懈篤孝傳徽

絲綸特沛乎

殊恩祠宇昭垂於今典祗循歲事式薦尊膠尚饗

祭

關帝前殿文 維年月日某官某致祭於

忠義神武關聖大帝神位前曰惟帝浩氣凌霄丹心貫日
扶正統而彰信義威震九州完大節以篤忠貞名高
三國神明如在徧祠宇於寰區靈應不昭薦馨香於
歷代屢徵異蹟顯佑羣生恭值嘉辰遵行祀典筵陳
籩豆几奠牲膠尚饗

祭後殿文 維年月日某官某致祭於 關帝之

曾祖光昭公 祖裕昌公 父成忠公神位前曰維公世
澤貽庶靈源積慶德能昌後篤生神武之英善則歸
親宜享尊崇之報列上公之封爵錫命攸隆三世以

肇禮典章明脩恭逢亂吉祇事薦馨尚饗

祭 文昌帝君文 維年月日某官某致祭於

文昌帝君之神位前曰惟神蹟著西垣樞環北極六匡麗
曜協昌運之光華累代垂靈爲人文之主宰扶正久
彰夫感召薦馨宜致其尊崇茲屆仲春誕辰用昭時
祀尚其歆格鑒此精虔尚饗

祭後殿文 維年月日某官某致祭於

文昌帝君先代之神位前曰祭引先河之義禮崇反本之
思矧夫世德彌光延賞斯及祥鍾累代燭列宿之精
靈化被千秋繡人文之主宰是尊後殿用答前休茲

值仲春之辰肅將祀事用中告潔神其格歆尚饗

祭社稷壇文 維年月日某官某致祭於

社稷之神位前曰維神莫安九土粒食萬邦分五色以表
封圻育三農而蕃稼穡恭承守土肅展明禋時屆仲
春敬修祀典庶丸丸松柏鞏磐石於無疆翼黍苗佐
倉箱於不匱尚饗

祭先農壇文 維年月日某官某致祭於

先農之神位前曰維神肇興稼穡粒我蒸民頌思文之德
克配彼天念率育之功陳常時夏茲當東作咸服先
疇洪惟九五之尊歲舉三推之典恭膺守土敢忘勞
民謹奉彝章聿修祀事惟願五風十雨嘉祥常沐於
神庥庶幾九穗雙岐上瑞頻書乎大有尚饗

祭風雲雷雨山川壇文 維年月日某官某致祭於

風雲 雷雨山川壇之神曰惟神贊襄天澤福佑蒼黎佐
靈化以流形生成永賴乘大氣而鼓盪溫肅攸宜磅
礪高深永保安貞之吉憑依鞏固實資捍禦之功幸
民俗之殷盈仰神明之庇護恭修歲祀正道良辰敬
潔豆籩祗陳牲幣尚饗

祭常雩文 維年月日某官某致祭於

社稷先農山川之神曰恭膺 詔命撫育羣黎仰體 彤

廷保赤之誠勤農勸稼俯惟葑屋資生之本力穡服
田令甲爰頒蕭舉祈年之典惟寅將事用申守土之
忱黍稷惟馨尚翼明昭之受賜來牟率育庶裨豐裕
於蓋藏尚饗

祈雨祭文 維年月日某官某致祭於

山川社稷之神曰瞻彼隴畝盡焉心傷維此農月胡爲恒
暘翼與施穰云萎而黃我民何辜罹此凶殃惟神仁
愛降鑒皇皇觸膚而合靈雨共滂亦旣霑足乃有倉
箱神之聽之我享我將尚饗

祭城隍文 維年月日某官某致祭於

勅封顯佑伯城隍之神曰惟神保障一邑捍衛羣生調元
贊化燮理陰陽彰瘴無私祈禱有靈佑我羣黎長獲
安甯恭修歲祀正值良辰敬潔豆籩牲帛祗陳尚饗
祭儀門 土地文 維年月日某官某致祭於

儀門土地之神曰坤厚載物德合無疆神職在土位奠中
央調元贊化燮理陰陽佑我羣黎永降吉祥恭修歲
祀俎豆馨香敬共神明來格來享尚饗

迎春祭文 維年月日某官某致祭於

芒神之位前曰今茲接春雨澤均勻西成是望時和年豐
敬陳祭酒共樂昇平謹告

祭奎樓文曲星君文 維年月日某官某致祭於

大奎文曲星君曰惟神星分翼軫位奠紫南秉文之德永

道之傳大觀在上於昭于天佑我多士科甲聯翩茲

值仲

春秋

肅將祀典爰祀牲帛式陳清薦尚饗

祭厲壇文 維年月日某官某致祭於

勅封顯佑伯城隍之神 欽奉

聖旨爲祭享無祀鬼神事普天之下率土之上莫不有人

莫不有鬼幽明雖殊其理則一今國家治民祀神已

有定制尚念冥冥之中無祀鬼神昔爲生民未知何

故而歿其間有遭兵刃而橫死者有死於水火盜賊

者有被人強奪妻妾而押死者有被人取財而迫死

者有遭刑憲而負屈死者有天災流行而疫死者有

爲毒蟲猛獸所害而死者有飢寒凍餒而死者有戰

鬪殞身而死者有因危急而自縊死者有因牆壁傾

頽而壓死者有居旅邸而死者有死後而無子孫者

此等孤魂或沒於近世或終於前代或兵戈擾攘流

離於他鄉或人烟斷絕久缺祭祀姓名湮沒而不彰

祀典無聞而不載凡此孤魂死無所依或精魂未散

結成陰靈依草附木作爲妖怪悲號星月之下呻吟

於風雨之中每遇人家令節身墜沉淪魂杳杳以無

歸心思傷世意戀戀而望祭興言及此憐其慘悽故
欽勅天下有司依時祭享着令該處城隍以主其事
鎮撫壇場鑒察諸魂等眾其中果有身為善良死於
無辜者神當遷於所司使之還歸故國咸享太平之
福如有素爲兇頑宜死於刑憲者雖獲善終亦出僥
倖亦當遷於所司屏諸四夷善惡之報神其無私欽
奉如此今知縣某等弗敢有違謹以中元之節城北
設壇虔脩牲醴羹飯以享本處無祀鬼神當欽奉
勅命召集該處鬼魂等眾悉赴壇場普享是祭尚饗

咸豐三年七月初八日禮部議奏

關帝升入中祀奉

硃批欽遵在案當卽會同工部大常

寺相度規制

皇上親詣行禮時所有王公大臣官員陪祀處所以及陳
設樂懸等項限以地方未便趨踰若俟規制改建始行
中祀典禮曠日持久轉不足以昭誠敬自明年春祭
遣官告祭

前殿遣王 後殿遣大常寺堂官一切應用祭文祝文樂

章交翰林院撰擬祭器樂器等項各衙門通融備用

遣官行禮禮節

屆日承祭官穿朝服豫在遣官房候至時導引官二員

引承祭官至

二門外贊引官對引官接引承祭官入

二門至盥洗處贊盥洗承祭官盥洗畢引承祭官由

殿左階至丹陛上正中行禮處立典儀官唱樂舞生就位

執事官各司其事陪禮官各就位贊引官贊就位承祭官就位立典儀官唱迎

神司香官奉香盒就位前嚮上立唱樂官唱迎

神樂作贊引官贊就位上香位引承祭官進

殿左門至

神位前立司香官豫跪贊引官贊跪承祭官跪贊上香承

祭官先舉炷香安香靠內次三上辨香畢興贊引官贊

復位引承祭官至原行禮處立贊跪叩興承祭官行三

跪九叩禮興樂止典儀官唱奠帛爵行初獻禮奉帛爵

官各奉帛爵就前向上立唱樂官唱初獻樂作奉帛官

就案前跪奠帛於案正中三叩退奉爵官立獻於案爵

墊正中退讀祝官就祝案前跪三叩恭奉祝案左先跪

樂暫止贊引官贊跪承祭官跪典儀官唱讀祝讀祝官

讀祝畢恭奉祝文至

神位前跪安於帛匣內三叩退樂復作贊引官贊叩興承

祭官行三叩禮興樂止典儀官唱行亞獻禮奉爵官奉

爵立獻於爵墊左退樂止典儀官唱行終獻禮奉爵官
奉爵就案前向上立樂官唱終獻樂作奉爵官奉爵立
獻於爵墊右退樂止典儀官唱徹饌唱樂官唱徹饌樂
作樂止典儀官唱送

神唱樂官唱送

神樂作贊引官贊跪叩興承祭官行三跪九叩禮興樂止
典儀官唱奉祝帛饌恭送燎位奉祝香帛饌官詣

神位前跪奉祝帛官三叩奉香饌官不叩各奉起依次送
往燎爐時贊引官引承祭官退至西旁立候祝帛饌香
過畢仍引承祭官復位立樂作數帛官數帛贊引官贊

禮畢仍引承祭官至原接引處導引官接引由原進門
出樂止

部頒樂章

迎神奏格平之章

懿鑠兮焜煌 神威靈兮赫八方偉烈昭兮累禩祀事

明兮承光達精誠兮黍稷馨香儼如在兮洋洋

初獻奠帛奏翊平之章

英風颯兮 神格思紛羽蓋兮龍旂軒桂醑兮盈卮香

始升兮明粢惟降鑒兮在茲流景祚兮翊昌時

亞獻奏恢平之章

觴再酌兮告虔舞于戚兮合宮懸歆苾芬兮潔蠲扇巍
顯翼兮 神功宣

終獻奏靖平之章

鬱鬯兮三申羅籩簋兮畢陳儀率度兮肅明禋

神降福兮宜民宜人

徹饌奏彝平之章

物惟脩兮咸有明德惟馨兮 神其受告徹兮禮終罔

咎佑我邦家兮孔厚

送神奏康平之章一

幢葆葳蕤兮 神聿歸馭鳳軫兮騂虬駢降煙煜兮餘

翻辭顧回靈盼兮德洽明威

望燎奏康平之章二

君蒿烈兮燎有輝 神光遙燭兮祥雲霏祭受福兮茂

典無違庶揚駿烈兮永奠置畿

禮樂新章

文廟歷年丁祭禮缺樂廢儀節疎簡實不足以昭誠敬
同治八年江西巡撫劉公坤一雅意振興輯頒上丁
禮樂備考全書九年庚午省垣舉行爲倡飭各屬照
辦十年春贛郡巡道文翼知府魏瀛督同贛縣黃德
溥崔國榜遵照省會舉行十二年秋知縣唐家桐教
諭陳拜旒訓導李文瀾捐貲倡率紳士演習舉行丁
祭禮樂舞生三十六人樂生十二人鼓鐘琴瑟笙磬
祝敵遠近來觀者不啻圍橋萬計洵一時盛事也

長甯縣志卷之
學校志
契掌司徒明倫立教尼山木鐸萬世警覺 聖代尊崇
追封食報匾賜琳球光昭二曜俎豆維馨肅肅清廟
庠序淪浹道德永耀

長甯縣志卷之

學校志

契掌司徒明倫立教尼山木鐸萬世警覺 聖代尊崇

追封食報匾賜琳球光昭二曜俎豆維馨肅肅清廟

庠序淪浹道德永耀

學校

額設廩膳生員二十名增廣生員二十名附學生員歲科
兩試各進十二名武生歲科併試共進十二名

儒學舊在春旭門內明萬曆乙亥邑令沈文淵教諭陳九
韶創建歲久記康熙九年邑令井厥重修十八年己未邑
令余龍翔遷於縣治右東向工未竟而去二十二年教諭

吳用今力建議遷復舊址至康熙二十六年丁卯邑令陳
曰呂亦以仍宜南向始行遷復故址邑令王人隆有記康
熙四十四年乙酉教諭賴士炳重修明倫堂歲久殿廡復
圯康熙五十四年乙未郡同知高成齡攝篆增高式廓概
行修葺煥然一新雍正九年辛亥重建明倫堂填高數尺
左右博學詳說二齋與後殿稱邑人邱上峯書聖經於屏
乾隆九年甲子邑令沈濤添修兩配兩哲兩廡龕室而丹
雘之及 文魁二閣乾隆三十五年庚寅邑令門錡訓導
邊祚光倡修四十八年癸巳邑令寶鳳輝修大成殿檐嘉
慶九年甲子訓導葉光敏倡修費三千餘金道光七年丁

亥署令陳大森倡修去邑令張元奇教諭彭景賢撰序倡
修邑人曹愈標劉瓊蕃趙道章捐金為倡仍舊址重新鼎
建改殿後明倫堂為 崇聖宮拓原 崇聖宮址為明倫

堂悉易石柱兩配兩哲兩廡先儒位次重新刊刻悉依
大清會典編定及後殿配位旁西墻外為好善祠數百年
未正之位今悉定之共費緡一萬二千有奇督修曹徽光
凌德規劉宗濂劉德誠劉兆晏等邑人曾撰有記

文昌閣先年在學頭門上為閣安文昌聖像下為門出入
自南郊建閣神像移至南門閣亦拆廢

魁星閣在學宮左昔年被火閣廢今改為土地祠新北門

之事只許家人代告不許干預他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辯難爲師亦當盡心教訓勿致怠惰

一軍民一切利弊不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

康熙四十一年

御製訓飭士子文頒行直省各學

國家建立學校原以興行教化作育人材典至渥也

朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比年士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其敬聽之

從來學者先立品行次及文學學術事功原委有叙爾諸生幼聞庭訓長立宮牆朝夕誦讀豈無究心必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸于醇雅毋

事浮華軼度式于規繩最防蕩軼子衿佻達自昔所譏苟
行止有虧雖讀書其何益若夫宅心弗淑行已多愆或蕪
語流言挾制官長或隱糧包訟出入公門或唆撥奸猾欺
孤凌弱或招呼朋類結社要盟乃如之人名教不容鄉黨
勿齒縱幸脫襁扑濫竊章縫還之於裏甯無愧乎况夫鄉
會科名乃揣材大典關係尤鉅士子果有真才實學何患
困不逢年顧乃標榜虛名暗通聲氣夤緣詭遇罔顧身家
又或改竄鄉貫希圖進取囂凌騰沸網利營私種種弊端
深可痛恨且夫士子出身之始尤貴以正若茲厥初拜獻
便已作奸犯科則異時敗檢踰閑何所不至又安望其秉

公持正爲國家宣猷樹績膺後先疏附之選哉朕用嘉惠
爾等故不禁反復惓惓頒茲訓言爾等務共體朕心恪遵
明訓一切痛加改省爭自濯磨積行勤學以圖上進國家
三年登造東帛弓旌不特爾身有榮卽爾祖父亦增光寵
矣逢時得志甯俟他求哉若仍視爲具文玩愒勿儆毀方
雖冶暴棄自甘則是爾等冥頑無知終不幸教也已負裁
培復干咎戾王章具在朕亦不能爲爾寬矣自茲以往內
而國學外而直省鄉校凡學臣師長皆有司鐸之責者並
宜傳集諸生多方董勸以副朕懷否則職業勿修咎亦難
逭勿謂朕言之不預也爾多士尚敬聽之

書院

石谿書院在城內掌教凌冠才有石谿卽事詩府志

忠文書院在八付堡朱村射鶴望吉水李邦華幼隨父讀書於此筮仕後猶時念朱村故舊村人購書院以志不忘卽以其諡名之府志

義學舊未設立康熙五十七年知縣邵錦江以學宮兩廡育士六十一年辛丑知縣蔡賓興以分司公基捐俸鼎建延師掌教雍正十一年癸丑知縣陶正士改立教場爽垲處邑人曾宗高捐建并捐膳學田四百六十三把陶有詩紀其事府志

邑人凌冠才書院卽事詩壬寅秋明府蔡遠園先生聘僕

一韻以詩云賤賣文章四十秋山城寂寞最堪愁暮鐘

打備誠樂事奚囊背負惜空遊諸生陶詩化俗有善術在昔

莫學踈慵樣好趁春風上苑浮開職僅典文廟學胡繫以義書院別其號山長欽譽望

非徒動文貌講席錯粉榆東壁騰光曜趨向表率由風俗賴前導禮樂與文章習見自爭效道一風白同國乃無異教

皇朝宏作育黨塾殷辰告比戶樂茲歌取隘期德造石谿嶺北區山水富奇奧一椽昔有作風雨艱庇冒崇岡

峙馬頭松溪入窗窳遷喬出幽谷相與斬蓬藿佳兆叶文明霄鈴應奎曜既可集屬登亦足供吟眺橫舍列參差廩餼具稍稍負笈就從遊所望多同調北溟搏大鯢

南山隱文豹聖世急薪樵嘉賓歌罩罩德成非藝成藉相待相報

義學歲久滲漏將就傾圮道光八年戊子邑人曹文光凌

德規邱維山勸捐重修并旁 文昌閣用數百金始題額
曰石谿書院

玉屏書院即試院道光三年知縣李景昌請兼作書院教
諭彭景賢 有序見藝文

按石谿書院舊在城內始以分司公基建立雍正十一年

邑人曾宗高在教場捐建義學並設膳田總名義學歲

久將圯道光八年曹文光凌德規邱維山勸捐重修因

義學名爲石谿書院始此

社學在黃鄉司城內金廢

公館在三標堡知縣井厥額其堂曰謀野

石谿書院記事本末

劉丕誠

書院之設初在城內分司行館舊址康熙末邑侯邵

公錦江蔡公賓興相繼踵成之雍正十一年癸丑邑

侯陶公正士移於南門外教傷爽塏處候選州同曾

公宗高獨力創建偕族弟宗欽等捐田贍士合邑以

其慷慨倡義也遂名爲義學宗高公之子應選於乾

隆丙辰中式出宰修文雲孫行崧同治甲子登鄉榜

甲戌捷南宮即用知縣分發廣東蜚聲庠序者代有

其人咸以爲詒謀之有自乾隆五十八年癸丑學師

黃文蔚倡建文昌宮於書院之右歲久滲漏俱將傾

顏道光八年戊子歲貢生曹文光見文昌宮瓦罅破
漏之處有鵲巢於其巔詫爲奇異因勸廩貢生曹徽
光捐錢百緡以爲之倡並邀同生員藍文衡恩貢生
劉永徽同至各廂堡勸捐樂輸踴躍而書院亦得煥
然一新學師黃遠誌題其門曰觀文化成而外門仍
額以石谿書院道光己亥大史劉穆士先生主講石
谿商同萬蓬山學師與藍文衡劉永徽相率勸捐復
買租貳百餘石從此士林沾惠文氣日蒸皆諸公美
舉之所致予懼其年久無徵也因不斲拙謬而爲之
紀其始終焉

書院田租

老義學租貳拾餘石

玉屏書院二百一十石

石溪書院二百叁拾石

城岡庄 八千四百七十斤

知府魏 瀛同治八年將虛姓纏訟田租並劉姓罰抵

田租約共五十餘石斷充書院

知縣唐家桐同治十二年捐廉二百千文並倡勸合邑
紳民樂輸共錢三千餘串收來二千餘串除 文廟
丁祭禮樂用費外實存有錢壹千四百一十千文交

鼎豐質舖生息每月利錢二千一百五十文
教諭陳拜旒捐買田租三十二桶 丙除墳二穴在北
門外鐵寮墳又墳一穴在羅壩心敬廟之右不歸書
院掌業

訓導李文瀾捐買田租拾桶

學師二位之田租作為書院師課加獎

仁豐書院在篁鄉堡道光十五年嚴肇光劉翰兼等倡
建十六年古高儀踵成之並置買田產以贍文武新
進之薪水

文明書院在頂山堡買田租一百石為三甲義塾

長甯縣軍制志 附兵寇

畫井授田寓兵於農兵以衛民民以賦備機兵防兵
經制惟工閩粵門戶要害劇衝承平日久武事須崇
有備無患永樂熙雍志軍制

萬歷三年都御史江一麟平黃鄉賊巢奏設縣議以安遠

長沙營把總調守設防縣陸汎四 郡志

縣汎輪撥中營千總一員帶兵駐防

白石壩汎百總一員帶兵駐防

城岡汎目兵防禦

吉潭汎目兵防禦

長甯縣志 卷之二 軍制

教場在南門外 以上俱郡志

機兵一百五十名 縣志郡志同

弓兵五十名 縣志郡志同

明制州縣之所藉以固圉者駐防而外有弓兵備射機兵備火器皆民兵也 本朝弓兵隸巡檢機兵隸縣改為民壯驅走呼諾與傭皂伍

兵寇

萬歷三年乙亥九月都御史江公一麟知府葉夢熊計殲黃鄉賊首葉楷等黃鄉寇盤踞有年流毒地方其年四月內堡民劉載永嚴順民等請增設縣治夢熊與一麟

謀曰是其眾可攜也乃先令子弟來郡就學以恩深結之楷怒其背已向官相讐殺堡中人皆以賊情輸官葉公又密致載永順民及尹明遂溫時選等數人假以把總銜俾為內應遣梁正環陳俊賴琪等予以招降旗數十免死票三千懸賞格令伺便行事九月一麟乃發兵部分四路叅將郭千東路入由勞田堡安遠知縣陳行可西路入由太平堡定南典史張尙禮南路入由大小石堡皆把截防其奔逸而申路則贛通判徐廷輔及贛衛千戶孫韜李賓入自黃鄉雙橋搗賊巢正環等豎立降旗眾星散無與官兵敵者楷勢孤走入賴舍廟兵圍

長甯縣志 卷之二
之火其廟遂焚死擒斬支黨葉盛文盛科吳富珠等數十人俘獲賊家屬兒婦並黃織牙簪大白綾旗諸違禁器物一麟奏捷疏聞叅政張士佩副使朱茹知府葉夢熊等叙賚有差事平奏立縣

通志郡志俱載

舊志嘉靖二十一年壬寅秋安遠黃鄉堡新民葉廷椿恃衆生變副使薛公甲計擒之并其二子伏法衆遂定先是楷父葉芳自程鄉竄入黃鄉據大帽山爲巢穴剽劫旁縣巡撫周公南王公守仁先後招撫而驕橫不受約束芳死其兄廷椿代領其衆肆暴尤甚乘新舊軍院交代之際將爲亂薛公乃定計誅之復選葉金爲千長撫

定其衆此葉寇蔓延之始也厥後葉楷統芳之衆營職爲指揮雄視七堡莫可誰何惟恃養癰已成勢必潰裂江公計出萬全蹈瑕立破數十年負固窮奇不數日間而蕩無孑遺功績豈不偉歟

舊志又云楷立賴舍廟祀妖神內豎大旗篋束之用人以禡則自解及其敗也神像忽倒大旗祭之不開賊爲奪氣罪惡貫盈而天奪之魄豈必無其事哉

萬曆三十二年甲辰劇賊陳上新大掠長甯知縣韓洵詳

請會剿追至大石堡鄉勇葉佳士等率義旅擒之

通志定南紀事

按凌位邑人通志於此條載爲長甯知縣今考正爲韓

洵

順治四年丁亥粵寇謝志良糾黨數萬圍城月餘知縣錢奇嗣設土兵十營選練鄉勇朱家垣張世祥廖宗旺等乘賊氣懈擊之賊敗遁孤城得全後土兵驕恣申上請草井志

順治十六年己亥十二月奸民曹子布同弟曹子粟曹子元等陰通廣寇爲亂知縣黃龍飛委典史鄭之鵬密傳城內鄉紳張問行貢生張尙緯生員曹世治定計率集街民余國祥韓勝輝朱心雲等爲內備密傳印票令南廂生員范正位劉鴻名率烟丁范魏卿劉鴻珏范勳范

潛劉鴻訓等進城擒殺曹子布等奉虔院發兵擒餘黨又委推官周令樹招撫流民事遂大定 井志

康熙十一年壬子流賊周海元林青袍聚眾作亂散布僞

劄由廣東平遠流入邑境寒地山邑令井厥委典史鄭

之鵬會同駐防把總王大勝進剿項山堡保長潘吉潘

祥率鄉勇入山賊驚遁旋逼會昌羊角水王大勝協領

滋溪堡保長袁三朋等援剿遇賊於南方嶼分兵夾擊

賊敗走追奔三十里至牛門山斬首級一顆救難婦一

口奪大旗一面刀一口鎗二桿賊遂潰至武平盤龍隘

就擒 井志

康熙十五年丙辰僞提督馬某自平遠出攻屠邑鄴鄔堡之城岡村一方遭害

康熙十六年丁巳叛逆黎繁祉散布僞劄事覺官兵黑夜擒殺之吳之章曰邑令余公龍翔平劍溪砦青草湖流寇事云康熙十三年閩寇葛登標王九萬糾眾數千由武平抵滋溪堡攻圍劍溪砦粵寇王割耳信豐至青草湖眾亦數千欲窺城余公密傳各保練長訂期會剿委典史鄭之鵬協同防汛扎總陳大用率所部百人及城中鄉勇范洵等掩旗息鼓潛抵劍溪砦之鵬大用率范洵等大路攻入頂山腰古鄉勇從寒地入大墩桂

嶺鄉勇從長奮入水源鄴鄔鄉勇從周田入賊大敗斬首十餘級追至境外而返青草湖未之知也越日移師進剿賊空壁出大河唇迎戰之鵬大用等方交鋒而黃鄉鄉勇從石槽坑來大焚其巢上下坪鄉勇從瓦橋入南橋入付鄉勇從鵝子湖入縱橫夾擊追斬十餘首級獲器械無數寇遂遠遁按此則井公王子之捷無以及此且合邑從師并非若井之止調項山滋溪兩堡鄉勇而片紙一呼應期俱集何神速若此也余真能軍哉

道光二十七年五月二十九日項山堡逆匪潘蛇羅二等擁謝嗣封爲首謀逆經贛南道李本仁贛州府周玉衡

提兵平之按潘蛇羅二蛇羅四項山堡人自幼流落萬安糾結齋匪是年二三月間自萬安攜邪匪羅齋匪涂齋匪董齋匪回長潛居城內人家又四處糾人入會傳徒至謝嗣封家誘以謀反謝初不從羅齋匪畫符一道焚灰和水令謝吞之取小方鏡一面使照之面忽肥大身穿蟒袍形象頓變謝惑之心喜自負起事稱尊其党羅普章勸其出錢三十六串幫助行事羅齋匪又取出三角畫龍黃旗一面中寫令字給謝嗣封收管潘蛇羅四等糾連匪首凌成濼曹二西湯石金妹等各自糾人至五月二十八日糾集三百餘人在謝嗣封家結會齋

匪定期於五月二十九未時合丁未年月日時稱平光王殺入城中奪犯戕令劫庫先於二十七日乘迎城隍神期各黨身帶短刀藏入城內人家歇店專候外變內應時有庫吏劉世昌居腰古堡其子偵知恐父遇害欲接父出城免難世昌據情稟於官即會營閉門登陴防守至巳刻獲賊謀者訊之信午刻果有賊數百搖旗鼓噪向小東門而來欲攻城營守德全窺賊將近放鎗擊中插旗賊旗倒墮地羣賊拖以去莫敢繼者又有先日藏入城爲內應賊杜升欲開城門德揮劍砍其手搜出有刀收禁斃賊見內應不動而外助不至至昏始退然

已枵腹難支矣當是時也縣令劉倉皇走避引一寵差
卽賊黨也欲從後砍之劍齧手軟而止至一民房令坐
地下覆以稻草空衙無人大噪索之逾時乃復運籌決
策則周吳兩學也督率兵差鄉勇守城則防守德協防
張新坪司楊也然德日夜巡視尤爲出力賊知新修城
垣堅固號召匪黨不應始回賊巢紛紛逃散自五月二
十九閉城門至六月初十府憲周中衡府穆提兵到縣
始開城門發兵差擒獲數十名越五日道憲李到率兵
搗入賊巢賊遁焚其廬至八月二十六日首逆謝嗣封
始就獲解省定案立決者數人絞者十九人發遣者七
十二人首犯斃於獄梟首懸示

咸豐四年閏七月初十日廣匪謝其祥糾眾一千八九百
人屯扎長舉黃景盛家連日窺城城中戒嚴六晝夜紳
民竭力防堵十五夜贛州兵到賊偵知引退十六早賊
從東竄遊擊府遮克敦布羊角營都司邑人藍瑛橫岡
營都司馬麒麟領贛兵鄉勇數百人逐賊十里地殺賊
數十人餘眾星散爲鄉勇陸續擒獲五六百人伏誅事
平此案先於本年二月初二日土匪劉瑞求謝接宗曹
福先劉毛肚林文有古自明嚴清榮汪廣林等二十二
人在黃鄉竹子庵結會行槍五月二十日在下坪朱神

保山庄擄劫邊錢衣物計贓二百多金報官拏獲首犯
劉瑞求究出搶劫多案抗逃正法差何喜等票拏謝接
宗眾賊百餘拒捕奪犯反將差何喜縛入賊巢分屍四
段周縣將去吳縣甫來以致觀望養癰賊怕兵拏結黨
自衛賊日益多叠控到縣前七月十三吳令領鄉勇百
二十餘人往上坪勦賊先漏風聲賊盡躲匿反奪民牛
十隻而回十四日賊到羅竹塘打劫殺死陳達明一家
入命財劫數百控縣不理陳姓上控府道批准發兵勦
辦適廣匪謝其祥自粵攜徒二十餘人到黃鄉神岡墟
結盟拜會兩月之間眾賊合夥聚至一千八九百人推

謝其祥爲總老大扎營紫溪會姓大屋分前後左右中
爲五隊汪廣林黃雲海李元古曾永興總管五營嚴永
芳等領前營古必發等領後營古老大等領左營嚴學
來等領右營謝接宗等領中營嚴清榮嚴朝學古自明
劉汗保等各分領二十五人到處打劫大肆猖狂長舉
賊黨黃景昌引賊入村屯扎閏七月初十謝其祥擁眾
二千屯扎長舉日夜窺城城守嚴固十五晚偵知贛兵
夜到賊便引退十六早賊向東竄搖旗擊鼓假作攻城
狀遮遊府藍都司馬都司出城追逐至圳陂兵勇飢甚
城中義民十餘家餽飯得飽食勇更倍殺賊數十人餘

衆潰散奏凱而回十七八九二十連日鄉間陸續擒賊
送案數百名賊首謝其祥爲八付堡鄉勇彭運銘擒送
屠差何喜之古自明謝接宗爲鄉勇擒獲殺死劫殺陳
姓八命之嚴清榮嚴朝學等爲鄉勇劉振才擒送旬日
之間賊多就戮小東門積屍四百教場積屍百零首事
曾撰曹印元劉淑萬曹賢相駱效駿措費收埋免暴露
賊除地方以平

咸豐六年謝其祥之餘黨劉永珍邑之菖蒲墟人也
時因石逆攻破吉郡圍擊贛城定南信豐皆有賊蹤
寇氛密邇聞驚倉皇蠢茲漏網復肆不逞乃與其黨
劉佩玉謝蠻林南斗等通廣匪翟火姑石廣洪劉木
秀等揭竿號召遂由雙橋堡之坵坊村腴田留車車
頭珠村大田等處潛進至六月初一由吉潭直趨縣
城人約萬餘先是三標堡有許眞君廟虔禱甚靈五
月二十七夜夢示其地諸生胡蓉峯曰六月初一日
縣城當有急汝宜速救胡異之率武生劉應椿等偕
來果遇賊與之接仗斃賊多名賊勢稍却於南郭外

教場屯焉夜遁至菖蒲墟焚劫藍峯吉祥等村匪聚
愈衆至七月間又串同定南土匪大飛沙粵賊小飛
沙分兩路復撲縣城八月初八小飛沙一股行抵吉
潭屯徐子青叔姪家中民團憤擊鄰村繼之子青令
鄉勇焚屋燒死賊數百賊之竄出者適天雨滂沱河
水暴漲賊臨流爭渡殺沒數千僅小飛沙率數十人
逸去大飛沙一股約萬餘人於距城三十里之上坪
屯住城勇連日出擊殲斃無算退竄猪子峽一帶適
篁鄉堡團勇至與城勇合擊靡有孑遺大飛沙竄匿
積屍中經團勇搜捕殺之而劉木秀石廣洪各匪糾
全羅浮司岡背之賊約二三千人車頭墟一帶焚掠
尤甚常賊之入境也土人有三點會者暗布腹心策
內應焉至是荼毒不堪並會內之人亦不能免三點
會首鄺潮五鄺金龍知禍將噬臍倡議歸正各鄉響
應擒獲巨寇劉木秀割取首級報縣自此以後土人
無復敢與賊通者地方幸得安息焉厥後郡之樓梯
嶺暨瑞金等處之大股竄賊雖迭次過境未嘗久留
得民團功力居多記擒斬劉木秀係六年八月二十
七日事七年春平遠土匪滋事擾及邑境亦籍民團
擊退之

咸豐八年秋髮逆先陷閩之汀州分復竄江之瑞會信
安等處長屬之盤古隘青溪水源堡脉子烟大陽關
三標堡面面受敵民團堵禦互有殺場且因救安遠
之圍在上濂后山東風劣等處傷亡尤多九年春復
竄及篁鄉雙橋南橋大墩滋溪堡馬戰棟分水烟入
付堡石背等處勢甚猖熾地險勇奮倖獲保全十年
秋賊復從粵之韶州南雄抄襲信豐安遠各鄉邑之
篁鄉留車車頭藤嶺等處復遭蹂躪安遠地危馳書
求救胡蓉峯等率團援之於絲茅坪厝子烟地方遇
賊開仗團勇死者百餘人胡蓉峯殉焉至今談者爲

之隕涕賊之擾我東南鄙也雙橋車頭大禾筠嶺塘
背等十餘處士民死節者多其尤著者孝子劉福春
救母而死廩生劉德姚之妻陳元椿之妻皆罵賊不
屈而死十一年春逆復由南贛甯擾邑屬西南二廂
入付腰古頂山石峯逕門嶺等堡團力擊之

同治三年春金陵湖州等處竄賊自南豐雩都信豐安
遠爲狂寇之奔八月二十八至篁鄉二十九至珠村
次日至廣東八尺連日蜂擁蟻聚九月初三分竄吉
潭初五日賊踪始盡邑屬篁鄉南橋雙橋留車車頭
芳田腰古等處遭難尤慘旋甯往閩屬之漳州上杭

而去四年夏復由漳州寧回鎮平興邑接壤防剿累
月是年冬嘉應克復掃蕩賊氛而吾邑士民永享承
平之福矣四年六月間有賊匪林偽將一股在篁鄉
又霆營鮮勇黃矮子者在留車均遭慘殺其時在城
防堵者提督周寬世湖南人前後數年守土者知縣
吳揚休楊長杰仲鵬徐宗浩張廷珩陳汝霖也

管縣志卷之三

志政

田賦 附官田學田籍田義學田鄉試
路費田戶口經費雜稅倉庫

勞心食人古今通義任土作貢則壤定制

聖恩普蠲幸土汪濊維民儉勤貨無棄地穗秸樂輸力必
出己人康物阜民之攸暨志田賦

長邑田俱以把計詢之士人地可栽穀盈把者卽定爲
一把其廣狹不可得而知也然大抵山土磽瘠收穫甚
薄故徵額雖輕而民無蓄積其田又皆上負絕巘下臨
深谷塹若階級簇若鱗比一遇霖雨水溢則新墾石唇

衝破傾塌有司按額催科大爲民患乾隆六年奉

恩旨凡山頭地角開墾田地有二畝以下免其陞科其山巔水涯坍塌漲不一之地赴地方官呈墾給帖永免陞科大哉

王言天下之利與天下共之咸則三壤而外皆百姓有也昔有以清丈爲甯民慮者自茲以往土著子孫萬世安業矣

明萬曆七年官民田地塘五十三頃一畝八分一釐七毫七絲二忽康熙十年額編官民田地塘開新墾共陸拾貳頃肆拾伍畝捌分玖釐捌毫捌絲應徵銀壹千貳百

捌拾叁兩叁錢伍分伍釐內除贍兵贍學田糧壹拾陸石伍升四合一勺貳抄該派二差銀陸拾捌兩肆錢壹分陸毫不徵外又優免米玖拾伍石伍斗玖升玖合一勺八抄九撮該派均徭差銀貳百肆拾柒兩玖錢柒釐陸絲伍忽一微伍纖于順治四年奉文扣解不准紳衿優免應仍入實徵實徵銀壹千貳百壹拾肆兩九錢四分四厘四毫原額田分爲四則

一則田二十四頃捌畝柒釐七毫五絲每畝徵銀二錢一分陸釐五毫四絲二忽四微九纖原編銀五百貳拾壹

兩四錢五分壹釐壹毫又節年開墾額外新生田五拾八畝柒分玖釐柒毫柒絲肆忽新生增銀壹拾貳兩柒錢叁分貳釐貳毫壹絲實徵銀伍百叁拾肆兩壹錢捌分叁釐叁毫壹絲

二則田貳拾頃捌十壹畝柒分伍釐柒毫每畝徵銀貳錢叁毫壹忽捌微壹纖原編銀肆百壹拾陸兩玖錢柒分玖釐柒毫又節年開墾額外新生田貳拾柒畝新生增銀伍兩肆錢捌釐壹毫伍絲實共徵銀肆百貳拾貳兩叁錢捌分柒釐捌毫伍絲

三則田壹十貳頃貳拾陸畝柒分玖釐陸毫肆絲每畝徵銀壹錢捌分肆釐陸絲壹忽壹微壹纖原編銀貳百貳拾伍兩捌錢伍釐伍毫又節年開墾額外新生田柒畝貳分叁釐捌毫新生增銀壹兩叁錢叁分貳釐貳毫叁絲實共徵銀貳百貳拾柒兩壹錢叁分柒釐柒毫叁絲

四則原新陞田玖拾貳畝壹分玖釐叁毫叁絲每畝徵銀壹錢柒分陸釐叁毫叁忽肆微柒纖原編銀壹拾陸兩貳錢伍分肆釐又乾隆十二年以前節年開墾額外新生田貳項肆拾壹畝陸分零肆毫陸絲叁忽新生增銀肆拾貳兩伍錢玖分伍厘柒毫壹絲實共徵銀伍拾捌兩捌錢肆分玖厘柒毫壹絲

原額地分爲二則共二項貳拾貳畝貳厘捌毫貳絲又節年開墾額外新生地壹畝肆分伍厘叁毫共地貳項貳拾叁畝肆分捌厘壹毫貳絲原共編銀肆拾肆兩陸錢伍分陸厘肆毫新生增銀三錢陸厘柒毫柒絲實共徵銀肆拾肆兩玖錢陸分叁厘壹毫柒絲

一則地二項柒畝陸分貳釐捌毫貳絲每畝徵銀貳錢壹分壹釐壹毫貳絲捌忽玖微貳纖原編銀肆拾叁兩捌錢叁分陸釐叁毫又節年開墾額外新生地壹畝肆分伍釐叁毫增銀叁錢陸釐柒毫柒絲實共徵銀肆拾肆兩壹錢肆分叁釐柒絲

二則桑地壹拾肆畝肆分每畝科桑絲折銀伍分陸釐玖毫伍絲壹微肆纖原編銀捌錢貳分壹毫

原額一則塘貳項壹拾伍畝肆釐陸毫肆絲每畝徵銀貳錢柒分陸毫柒絲柒忽捌微壹纖陸抄原編銀伍拾捌兩貳錢捌釐叁毫又開墾額外新生塘肆分增銀壹錢捌釐貳毫柒絲實共徵銀伍拾捌兩叁錢壹分陸釐伍毫柒絲

國朝自康熙十年定額徵銀壹千貳百捌拾叁兩叁錢伍分伍釐除贍免差不徵外實徵銀壹千貳百壹拾肆兩玖錢肆分肆釐肆毫迨康熙雍正至乾隆六年所額戶

役全書載節年開墾新生田地塘除免差外徵編各款
及續奉扣紳矜優免丁糧並陞實共徵銀壹千肆百壹
拾壹兩陸錢壹分肆厘四毫玖絲連丁銀在內外雜辦沒官

田租折銀玖百陸拾柒兩四錢

通共額徵起存正襍等款銀貳千叁百柒拾玖兩零壹

分四厘四毫玖絲遇閏加銀拾兩捌錢叁分壹厘八毫

官田

黃鄉堡官田壹拾叁萬柒千伍百陸拾伍把

南廂西廂官田貳萬貳千柒百壹拾捌把

北廂官田陸千叁百叁拾五把

腰古保官田五千五百叁拾叁把

東廂官田叁千五百壹拾八把

滋溪堡官田壹千八百五拾陸把

項山堡官田八拾五把

三標堡官田貳千叁百玖拾把

共設官田租銀玖百柒拾叁兩內除五兩陸錢完納本

田糧外實銀玖百陸拾柒兩四錢

學田

學田叁千玖百柒拾貳把五纂 每百把徵收學租銀陸

錢陸分

籍田

先農祭品銀原奉

上裁雍正五年邑合蔡賓興捐買籍田五拾把徵租四石

又斷贍田八拾把徵租四石備祭

贍義學田

一邑人謝承綬承綬捐田壹百壹拾貳把伍纂 徵租陸

石四斗

一邑人曹引宿捐田四拾把 徵租壹石陸斗

一邑人曾宗欽宗明應標應豹應拔應會共捐田叁百壹

拾零半把 徵租貳拾貳石陸斗九升

一奉斷田房塘園 共徵租銀四兩貳錢

贍鄉試路費田

一邑人曹引晃捐田壹千把 徵租壹百零四担

曹起達曰長邑山谷之區田畝不及贛屬各縣之半

且礮礪而非膏腴約計一畝所出豐儉不過敵他邑

一畝中十之五六况復舟楫不通又無別產可以資

生十二邑稱民貧者長邑為甚所幸瘠土貧民為知

尚義急公節食省費銖積以奉惟正之供故歷無道

賦比他邑為易治實非比戶饒足易以奔命也必蠲

見而止正恐皮盡則毛無所附賢司牧自必思瘠土

之在保障庶不致二月絲五月穀也夫

戶口

明萬曆七年戶一百六十丁五百八十九口七百二十

國朝

原額丁四百三十六原額口五百七十三優免人丁

一百一十

共原額丁口一千一百一十九各派徵原編起存各

款伍百二十一兩零九厘三毫

新增丁一該增銀一兩零口一八分三厘五毫

康熙元年編審新增伍丁

丁四百四十二每丁編銀一兩零七分四厘八毫貳絲六忽一微口五百七

十四每口編銀九厘五毫一絲四忽九纖共一千一百二十六丁口編

銀五百七十五兩七錢四分四厘五毫丁雍正五年

奉文攤派通省地糧內均勻帶徵現應減徵丁銀

四百四十二兩五錢五分七厘七毫五絲康熙五十

三年欽奉

恩詔以五十年丁冊定為常額續生人丁永不加賦康熙

五十年起至乾隆六年各居編審共盛世滋生人

丁一百零七丁乾隆十年滋生人丁八十丁

周禮司民大比獻民數於王王拜受之孔子式負版

者蓋異事而同揆焉伏讀

國朝恩詔續生人丁永不加賦猗歟成哉此豈卿大夫所
掌國中自七尺以上野自六尺以上背徵者所得同
日而論哉

曹起達曰司寇獻民數王拜受之者以民乃天心所
係屬戶口蕃盛因以徵國家景運昌隆不專爲力役
之征也自秦漢迄唐宋元明中間更變不一利弊錯
出惟

本朝止於編審如例丁錢永不加增煦嫗覆育卽蕞爾一
長居然一大都會雖前戊子經馬賊蹂躪至今休養
八十餘年丁口之數倍盛於昔舉長一邑例之生齒
之繁真可超越千古迺

世宗皇帝以御極之五年丁未復念民力不齊貧戶力錢
難輸愈節縮所貢之數均攤於糧則戶役之征貧者
概無與焉此誠善用周禮六養之法一洗力役積弊
可爲萬世法者第立法自

朝廷行法自良司使在官者不操切於力役之間如尹鐸
之在晉陽斯世世蒙無疆之休焉

長甯縣志卷之三 祠廟

肇載祀典教澤同流捍災禦患勲績長留崇以廟貌
報以俎羞樂神有曲侑神有謳如在左右陟降蒙庥
護國保民式瞻千秋 志祠廟

先師廟在春旭門內數武以春秋仲月上丁致祭規制儀
式詳學宮

崇聖宮祭日與文廟同而禮先於文廟

名宦祠在泮池左舊祠明知縣沈文淵黃源國朝增

祀知縣沈元箕并廡余龍翔雍正年奉 詔祀江西

學政高璜乾隆九年奉 詔祀江西巡撫白璜乾隆

十二年邑紳士請分祀虔院江一隣郡守葉夢熊安遠典史楊霄遠以春秋仲月祀

先師畢致祭

鄉賢祠在泮池右

社稷壇舊在城北一里今改在城南一里東北向累

石數級繚以垣立石王於壇以春秋仲月上戊日致祭

風雲雷雨山川壇在城南二里制與社稷同歲以春

秋仲月上戊日致祭二壇俱萬曆乙亥年知縣沈文

淵建

先農壇在陽和門外河之東循麓歷級奇石夾道中為堂

左右翼耳房繚以垣旁有古刹即江東廟也雍正二年邑

令蔡賓興奉 詔創立每年季春月率僚屬農官奉祀行

耕籍禮孟夏上辛雩祭臘月上戊合八蜡而索饗一先嗇

二司嗇三農四郵表畷五貓虎六坊七水庸八昆蟲歲久

傾圮道光十一年辛卯邑令段正邦倡修邑人曹衢通捐

貲倡修增其式廓邑人曾撰有記

記云邑有 先農壇由來已久傾塌者凡閱多年每於吉

亥致祭行禮於草露中遇雨則於城隍廟設牌祀之相仍

為常守土者瓜代頻仍無復過而問者道光十有三年癸

巳暮春段明府搨縣篆甚為惻然集人士而謀重修之應

者寥寥時有邑廩曹衢通慨然出百金爲之倡段明府又時撥公項以爲助續得勸輸之費廼得鳩工庀材廓其舊址闢深二丈有奇廣五尺有奇視前較宏廠焉工半而予病交同事人董其役費耗而工停是冬段明府去任吳別駕代理長邑籌公項錢三十餘千文乃購木樑百根桷板數十丈以待甲午春霖雨連綿墻磚倒塌丈餘樂輸無收白於新蒞王明府酌所以卒乃役者書三上不報余恐功之垂成而就廢也典貸興工少府邱公憫余艱爲助錢數千又續得輸貲而下棟及兩廊次第告成甫鋪鱗瓦傾盆如注槐黃忙遽未及修葺而去且夫守土者神民之主也

自余少時見壇屋破漏久之而傾圮矣又久之而爲墟矣數十年來何慢神若斯耶蓋不待年不順成而已八蜡不通矣昔岳州田鼠害稼雍明遠曰迎貓之祭不修也命祭之鼠隨斃事載范蜀公集由此觀之先農壇之不可以不修也功成日書其所以緣起者勒之石維時官斯土者署知縣事段正邦四川巴縣人代理縣事吳澧湖北江夏縣人贛州府經歷署知縣事王恩需安徽鳳陽人進士教諭彭景賢崇仁人舉人署訓導黃遠志石城人舉人訓導賀其因蓮花廳人貢生新坪司巡檢王兆麟河南商城縣人典史邱六皆浙江歸安縣人例得備書道光十五年乙未

仲夏邑人曾撰記

文昌閣在南門外書院右側乾隆四十八年訓導黃文蔚倡議闔邑捐造邑人謝道和等竣其功

城隍廟舊在文廟前尋移城北乾隆八年癸亥邑令沈濤創建道光十四年甲午十月朔火燬神像上棟邑人合議將廟移右側趙公廟并拓民房闢啟秀門邑人曾撰督其工有記

報功祠在天后宫左祀督撫江一麟參政張士佩副使朱茹郡守葉夢熊刑廳周令樹邑人劉載永劉碧溪范魏卿余國祥劉鴻珏乾隆十年邑令沈濤并譚寇二公同

移祀於原錢侯祠在中大街南額日報功春秋仲月祀

譚寇二公者知縣譚正理署知縣寇新民錢侯知縣錢奇嗣也

忠孝祠在 萬壽亭右祀孝子劉載永謝錫易曾應選

節義祠在 萬壽亭左祀節婦潘天材妻王氏羅大美妻

謝氏烈婦潘祝萬妻謝氏邱開先妻何氏烈女陳氏

真君廟在南門外觀音閣前嘉慶八年癸亥合邑釀金共建

關帝廟三一在城隍廟左乾隆九年邑令沈濤移建中爲

殿後爲寢室今改祀先代前爲墀外爲重門上爲臺榭

以春秋仲月仲夏致祭一在絃歌門一在教場

三官廟在城隍廟右乾隆十八年邑人重建上爲殿前爲

城外爲臺榭頭門久將圯道光十八年修城隍廟一并修好

真武廟一在阜成門樓一在教場

天后宮在中大街北向

觀音廟二一在太平橋一在陽和門內考棚左

賴公廟二一在春旭門樓一在教場

遺愛祠在春旭門內祀明安遠尉楊公霄遠邑人邱上峯

有記道光二十六年冬燬邑人曹愈昇曾撰倡修

趙公廟在城隍廟右今移啟秀門樓

霞光廟在城隍廟左

江東廟在陽和門外先農壇旁郡志其神名石固相傳贛人生於秦代沒而爲神唐太宗時贛人周誠建祠祀之宋元屢加封號明洪武中有司歲以正月初八神誕日致祭

邑厲壇在城北康熙己卯邑令朱騰蛟改建歲以季春清明孟秋望月孟冬朔日致祭先期迎城隍神位於壇旁設監臨邑厲而祭之用羊豕菜蔬羹飯冥衣歲久壇屋傾圯道光己亥邑令倪聯舉何芳秀督工重建

報功祠在城內大學士李春亭有記詳藝文

治葉賊由此日益熾黨族鳩聚至構營納級為指揮擄掠男婦雄睨七保莫誰何者萬厯甲戌冬督撫軍院中丞江公蒞贛披籍閱險經理受害喟然歎曰以積叛之地去黔轄遠邈謀畧不加而姑息以養寇無異乎二百里之人民土地而捐之六十餘年惜也今欲平之莫如建縣使官府政教有所漸被乘暇其機而制發之賊可平歲乙亥諭意於贛大守葉君夢熊風其各保頭目遣子弟來學於是劉載永尹明遂等各以建縣立學請而葉楷亦率彼耆老同其議於是行守道張公巡道朱公聞於巡撫中丞公楊巡按御史張同其議乃疏於上可

長甯縣志 卷之三 報功記

之議以安遠之黃鄉大墩水源尋鄔桂嶺勞田石谿三標項山石痕滋溪八付腰古雙橋南橋割建立縣爲長甯乃命推官賴萬嶼安遠合陳行可以地師相其土宜得石谿之馬蹠岡氣聚會當諸保之要害而城之事將興知其恐且爭也下車令曰爾民積有隙毋乘相度故圖報復以相戕果於八月朔楷脩兵以防復請已其事及倡言劉載永之激變也復下車令示永遂等職其部屬以密防諭楷長幹人等自解散懸重賞以購賊楷檄守巡道與郭參將以兵圖之楷聞召各保兵來助莫有至者而載永諸目遂盡屠葉之姓而楷投首矣羣黨竄

突收其田租屋宇牛馬徙其子姓之未剿滅者于邊地亂始定丙子夏令通判徐廷輔董治城工新令沈文淵奉檄來蒞至八月大守戴君紀九月守道侯君於趙俱至贛相與定議建立分割之務凡十五保得成丁五百五十有奇糧二百二十餘石知典論各一移大墩黃鄉二巡司屬之民兵一百五十復立長甯營兵以把總官謝勅守之置爲學宮諸祀典禮歲用里徭兵銀共二千九十餘兩所不足編贛甯等縣協濟之而以會昌之四保補安遠之不給于是新舊調停百務修舉人民樂業而反側之子安六十餘年戕害賊手之百姓沾沾被官

府之化其功澤萬世長矣新民咸曰昔中丞文成王公
定三洲之亂使豺虎不噬於外中丞虞公設黃鄉巡司
俾狐鼠鈐制其中俱廟食之况江公者夷歷年之大患
樹一代之偉功可無報哉于是建立祠生祝之請于憲
副向君程暨大守戴君紀將勒石以垂諸永久仍佉推
官潘君應詔請予紀其事而書之

經費

經費繁省因時勢遞更順治初去開縣時未遠邑多寇
警故有差馬船隻以備緊急而民壯弓兵等役皆二十
五名邑治資其捍衛自雍正至今

國家昇平日久山城晏然隸役惟巡邏奔走毋缺公事而
已汰冗節耗斯爲善經賦役全書裁定各款誠萬世不
易之章守也

本縣各衙門經費

知縣項下

俸銀二十七兩四錢九分

薪銀三十六兩 俸薪共銀六十三兩四錢九分內裁一十八兩四錢九分存銀四十五兩

印紅紙張油燭銀三十兩全裁

迎送上司傘扇銀二兩 全裁

吏書一十二名工食銀七十二兩 全裁

門子二名工食銀一十二兩 內裁銀二錢存銀一十壹兩八錢

皂隸十名工食銀六十兩 內裁二名工食銀一十二兩改給作作工食外

實存皂隸八名工食銀四十八兩 內裁銀八錢存銀四十七兩二錢

件作一名學習件作二名共工食銀一十二兩 內裁銀二錢存

銀一拾一兩八錢

馬快四名工食銀六十七兩二錢 內裁銀四十三兩六錢存銀廿三兩六錢

民壯五十名工食銀叁百兩 內先裁銀五兩復裁三十兩

增給存設民壯置器械銀四十兩裁銀一百三十七兩續裁五名工食銀三十九兩五錢共裁銀一百八拾一兩

實存民壯一十五名工食銀一百一十兩 五錢

燈夫二名工食銀一十二兩 全裁

看監禁卒叁名工食銀一十八兩 內裁銀三錢存銀十七兩七錢

修理倉監銀二十兩 全裁

轎傘扇夫七名工食銀四十二兩 內裁銀七錢存銀四十一兩三錢

庫書一名工食銀六兩 全裁

倉書一名工食銀六兩 全裁

庫子一名工食銀六兩 內裁銀一錢存銀五兩九錢

以上知縣項下俸食共銀七百二十二兩六錢九分
內除裁三百九十三兩九錢九分實存銀三百二十
八兩七錢

典史項下

俸銀一十九兩五錢二分

薪銀一十二兩

書手一名工食銀六兩 全裁

皂隸四名工食銀二十四兩

門子一名工食銀六兩

馬夫一名工食銀六兩

以上典史項下俸食共銀七十三兩五錢二分內裁

銀陸兩實存銀六十七兩五錢二分

儒學項下

教諭一員 添設訓導一員

俸銀一十九兩五錢二分

薪銀一十二兩

俸薪共銀三十一兩五錢二分乾隆七年奉文增加

品級共加銀四十八兩四錢八分實存銀共八十兩

齋夫三名工食三十六兩

膳夫二名工食銀四十兩 全裁

門子三名工食銀二十一兩六錢內裁一名存銀一十四兩四錢

以上儒學項下俸食共銀一百九十六兩八錢內裁

銀六十六兩四錢實存銀一百三十兩零四錢

新坪司巡檢項下

俸銀一十九兩五錢二分

薪銀一十二兩

書吏一名工食銀六兩全裁

皂隸二名工食銀一十二兩

以上新坪司巡檢項下俸食共銀四十九兩五錢二

分內裁六兩實存銀四十三兩五錢二分

黃鄉司巡檢項下

俸銀一十九兩五錢二分

薪銀一十二兩

書手一名工食銀六兩全裁

皂隸二名工食銀一十二兩

以上黃鄉巡檢項下俸食共銀四十九兩五錢二分

內裁銀六兩實存銀四十三兩五錢二分

雜支各款科舉椅棹銀二兩六錢全裁

憲書紙價匠作工食銀陸錢伍分八厘七毫全裁

府觀費抬册夫價二兩零七分七厘全裁

縣學廩生廿名廩糧銀壹百貳拾兩 內裁銀八拾兩 存銀四十兩 遇

閏加銀叁兩叁錢叁分叁厘

文廟朔望香燭一兩捌錢 遇閏加銀一錢五分 春秋祭祀銀七十三

兩伍錢四厘又增銀七兩三錢七分四厘四毫共銀八

十兩零八錢七分八厘四毫

文廟祭銀三十八兩零四分四厘四毫

崇聖祠祭銀六兩

忠義節孝二祠共祭銀四兩

社稷壇祭銀八兩

山川風雲雷雨城隍壇祭銀八兩

邑厲壇祭銀十二兩

報功祠祭銀一兩六錢三分四厘

八蜡神祭銀三兩二錢

脩祭

先農神祭品銀六兩 全裁

脩祭

關帝祭品銀四十兩

鞭春塑造春牛芒神等銀一兩七錢 全裁

門神符桃符銀八錢一分 全裁

春冬鄉飲酒禮銀一拾兩零二錢 內裁銀伍兩一錢 存銀伍兩一錢

縣官新任祭奠銀二兩伍錢 全裁

縣觀費抬册夫價銀一十五兩 全裁

應朝造册紙張工食綾襖銀一兩 全裁

歲貢酒禮銀二兩五錢旗匾禮銀陸兩陸錢叁分 八厘

歲貢盤纏銀二十五兩 全裁

應考生儒路費銀七兩七錢 全裁

膳錄生儒路費銀五兩 全裁

考試操練等銀一十八兩 全裁

雜支供應過往上司使客下程中伙坐飯等銀 三十兩全裁

答應上司卷箱棕罩加板鎖册等銀一兩 全裁

修理置辦等銀一十四兩 全裁

改編修城銀九兩九錢零八厘九毫九絲九忽六微 全裁

孤貧拾名口糧銀三十六兩小建扣解遇閏加增 二兩玖錢

刷印版經由票銀七分一厘 全裁

管解各項糧差路費銀六錢零二厘九毫 全裁

管守分司府館門子一名工食銀二兩 全裁

大墩改移新坪巡司弓兵八名工食銀二十八兩八錢

內裁銀一十四兩四錢存銀一十四兩四錢遇閏加銀一兩二錢

黃鄉巡檢弓兵八名工食銀一十四兩四錢遇閏加銀

一兩二錢

改編鼓吹手八名工食銀四十兩內先裁銀六錢六分
 六厘六毫復裁四名工食銀一十九兩六錢六分六厘
 七毫實存吹鼓手四名工食銀一十九兩六錢六分六
 厘七毫遇閏加銀一兩六錢六分六厘四毫
 改編守城垛夫三十二名工食銀二百三十兩四錢全
 以上存留項下共銀七百三十八兩零七分一厘二
 毫九絲七忽六微內裁銀四百九十兩零五錢二分
 六厘一毫九絲七忽六微實存銀二百四十七兩五
 錢四分五厘一毫

驛站項下

僱募夫船銀一百一十二兩 全裁歸入運

增設遞夫工食銀四十三兩二錢續裁解道遇閏裁
 銀三兩六錢

走遞差馬工科銀一百二十四兩內裁歸起運銀五
 十五兩六錢續裁解道銀五十七兩六錢 遇閏裁銀四兩八錢

改設馬夫一名工食銀一十兩零八錢 續裁解道遇閏裁銀九錢

原額鋪司兵工食銀四十三兩二錢裁歸起運銀一
 十六兩二錢存銀二十七兩 續裁解道銀五兩四錢遇閏裁銀四錢五分
 現存鋪司兵四名工食銀二十一兩六錢 遇閏加銀一兩八錢

雜稅

一田房稅契原無定額例儘收儘解

一落地稅銀四十兩 遇閏加銀三兩三錢三分三厘零

經前署縣黃鶴立碑譙樓禁私抽其稅遂革今解銀二

十四兩 遇閏加增銀二兩零一絲

一牛稅銀六兩

一牙稅銀一十七兩 以上共銀四十七兩

倉儲

預備倉在陽和門內康熙九年邑令井厥修三十八年邑

令朱騰蛟增修五十七年邑令邵錦江移在縣治土地祠

右貯穀壹萬陸千石 即今高平倉穀 雍正十二年邑令陶正士奉

文採買穀八百石乾隆元年邑令程士錦採買四百石六

年邑令鄭大敬奉 文盤缺斛面穀四口八十石零一斗

五升六合實存穀一萬六千七百一十九石八斗四升四

合又乾隆五年邑令鄭大敬奉 文開常平例收各監捐

穀至十一年邑令沈濤共穀收捐正耗一萬二千二百三

十六石四斗連前舊貯共穀二萬八千九百伍十六石二

斗四升四合現在厥口共四拾九間社倉虔臺輿圖貯穀

一千三百石雍正二年縣令蔡賓興奉 文於城廂各保

設立社倉貯穀一千零九十六石乾隆八年邑令沈濤奉

上文勸捐穀一百捌十玖石伍斗逐年借放至乾隆十一

年城廂各保共本息穀四千三百二十七石零五升八合六勺分貯十五處

一在縣署內 貯穀三百三十六石七斗一升六勺

一在縣東北東華山寺 貯穀八十石八斗

一在縣西南正覺禪寺 貯穀二百三十六石三斗二升六合六勺

一在水源堡龍華庵 貯穀七十七石七斗零九合七勺

一在三標堡借民倉 貯穀二百零九石四斗三升七合七勺

一在桂嶺堡借民倉 貯穀一百零八石八斗八升六合九勺

一在鄒鄔堡城岡壩 貯穀一百九十九石九斗七升九合六勺

一在大墩堡借民倉 貯穀一百二十三石零四升五合六勺

一在滋溪堡纂坑寺 貯穀二百六十七石三斗八升三合五勺

一在腰古堡萬興庵 貯穀二百七十七石七斗八升六合九勺

一在項山堡借民倉 貯穀四百三十六石一斗四升四合三勺

一在八付堡古坑岡 貯穀四百零八石五斗七升七合

一在南橋堡海惠寺 貯穀三百七十七石八斗零五勺

一在黃鄉巡檢司城 貯穀五百石零七斗二升一合六勺

一在雙橋堡建平壩 貯穀六百六十八石九斗三升二合一勺

鹽鈔

舊額引三百七十道康熙四十八年更定引一千道應行

鹽二十六萬四千觔徵餉銀六百一十五兩四錢一分
一釐九毫筭稅銀一十二兩四錢一分零五絲七忽七
微三纖二塵餘費銀二百四十三兩五錢零八厘三絲
八忽五微七纖三抄

鐵廠

乾隆三十九年商人嚴永盛以入付南橋二堡溪內流產
鐵砂呈請設爐鼓鑄知縣李廷佑會同定南廳同知黃
汝源勘試旺盛援照上猶縣例詳請 奏咨在於附近
之園子坵地方建廠設爐四座每日每爐鑄砂六百觔
四爐共鑄砂二千四百觔共鑄鐵一千二百觔每鐵百

觔照例抽鐵二十觔每日抽鐵二百四十觔每百觔價
銀一兩每日應抽稅銀二兩四錢除歲底一月小建六
日每月修爐六日合計每歲二百五十八日應抽稅銀
六百一十九兩二錢令該商按旬繳縣按季彙解司庫
撥充公用後園子坵薪炭不敷四爐煽鑄商人羅洪興
請分設西廂窰裏橋二座五十五年商人謝興旺請分
設滋溪珠粉角一座俱詳准建設後以炭砂日衰詳請
咨銷西廂額爐二座仍存園子坵珠粉角共額爐二座
每歲應抽稅銀三百零九兩六錢

乾隆五十九年商人鍾常豐呈請在雙橋堡丹竹樓地方

設額爐四座以三小爐併作一大爐收買平遠礦石鎔
鑄以一小爐鑄砂照嚴永盛小爐四座例每歲抽稅銀
六百一十九兩二錢後與平遠商人爭礦許訟嘉慶十
二年巡撫金光悌咨請銷革

嘉慶十七年商人賴趙興以西廂屏風山產礦石呈請開
設大爐贛南道查清阿會同嘉應州知州劉廷獻勘試
屬實詳准咨請在於鸞羅嶂珠湖窩無礙廬墓地方建
設大爐一座每日鎔礦二千四百觔出銕一千二百觔
按照小爐抽稅定例每歲抽稅銀六百一十九兩二錢

長甯縣志卷之二 物產

地不愛寶百貨豐殖蕞爾石谿厥壤惟瘠菽稼菓蔬
饗殮朝夕以有易無酌劑地力重穀務農奇淫是斥
以儉以勤利在阡陌

物產

穀屬 百日早 青油早 橫葉早 鴨婆早 早糯

福周早 安甯早 胡鬚早 大穀早 爽子

大冬糯 水珠糯 紅頭糯 雪糯 香禾

紫竹糯 粘子糯 杉木紅 海糯 寒禾

毛齊 黃粘 賴州 野粘

麥屬 大麥 小麥 蕎麥 花麥 高粱粟

捉拳粟 狗尾粟

荳屬 黃荳 赤荳 白荳 蠶荳 綠荳 飯荳 白扁荳 花羅荳 老虎荳 皂莢荳 黑荳

蔬屬 芥菜 芹菜 菠稜菜 芥蘭菜 蕓菜 白菜 苜菜 血竭菜 蘿蔔菜 苦筍 冬筍 禾筍 苗筍 蕘菜 茄子

薤 葱 芋頭 薑 藟 蒜 薯 蕨

菓屬 桃子 梅子 柑子 栗子 李子

橘子 蒲桃 香櫟 楊梅 棠梨

石榴 梨子 柿子 枇杷 葶薺

菱角 柑蔗

貨屬 香草 青靛 木油 青子 蕨粉

桐油 葛 苧 蕉 茶

瓜屬 冬瓜 西瓜 絲瓜 苦瓜 黃瓜

南瓜 又曰翻蒲 葫蘆 一種 菜瓜 又曰土瓜

竹屬 黃竹 茅竹 苦竹 筍竹 雪竹

木屬 松 柏 柳 桐 杉 栢 樟 楓

花屬 桂花 桃花 海棠花 茉莉花 一種 鬼子 茉莉極香

蘭 一種素蘭極美 又一種四季蘭 鳳仙花 葵花 梅花

李花 木筆花 瑞香花 蕙花 杜鵑花

荷花 扶桑花 芙蓉花 山丹花 臘梅花

菊花 花有數種數色一種千層 菊一曰黃菊紅菊白菊 鷄冠花 山茶花

紫荊花 賽蘭花 月月紅 日日新 樹蘭花

梔子花 甘菊花 老來嬌 夜來香

禽屬 鷄 鴨 鵝 雉 鵲 鴉 鴿 鷺 畫眉

八哥 鸚鵡 鷓鴣 鷓鴣 麻雀

黃鶯 黃鬬子 班鳩 頸無班曰火鳩 身有班曰離鳩 竹鷄

獸屬 牛 羊 猪 犬 猫 兔 獐 虎 狼 豺

鱗屬 草魚 鯉魚 鱗魚 鱖魚 鯽魚 鯽魚 鯽魚

鱖魚 鱖魚

蛭屬 龜 鱉 田螺 蝦 蚌 蚌

邑無他產五穀為饒于稻間或種荳土所宜也諸瓜

蔬花菓羽毛鱗蛭之類所常有者亦與他縣無異山

宜竹木除松杉外皆名雜木種類莫辨且樹圍四五

寸即斧之因舟楫不通巉巖峭壁木大則動移不便

也竹惟毛桂黃數種僅供一邑之用蕉布精者猶當

中品然不能自織婦女惟煮葉剥絲易鄰邑蕉布而

已鐵產于粵東爐座逼近邑界運經境內遠方不知

三

乃謂長甯產鐵誤矣 井志

長甯縣鹽政志 附郵政

五行於味潤下作鹹石谿建置例食潮鹽持籌握算官
便民權課無虧緇商不婪儉引銷額均私販是嚴嗾噉
一編戶引養引恬志鹽政 舊志

長甯鹽鈔起存銀共壹拾兩伍錢四分叁厘玖毫零水脚
銀壹錢貳分壹厘貳毫伍絲 江西通志

戶口鹽鈔起運銀伍兩伍錢柒分貳厘遇閏加銀肆錢叁
分玖厘叁毫脚耗銀壹錢貳分壹厘叁毫遇閏加銀壹分
壹厘存留銀伍兩貳錢柒分貳厘 賦役全書

舊額引叁百柒拾道

順治十年額引銷廣東鹽引肆拾肆道并志

康熙四十八年更定引壹千道應行鹽貳拾陸萬肆千觔
徵餉銀陸百壹拾伍兩肆錢壹分壹厘玖毫篋稅銀壹拾
貳兩肆錢壹分零伍絲柒忽柒微叁纖貳塵餘費銀貳百
肆拾叁兩伍錢零捌厘叁絲捌忽伍微柒纖叁抄

按河派鹽

貳百肆拾陸觔爲一道

壹萬伍千觔爲一河

壹千伍百觔爲一隻

壹百伍拾觔爲一分

每河鹽價壹拾捌兩肆錢捌分伍厘叁毫土商赴場交兌
長甯壹千道引鹽壹拾柒河零九隻餉及篋稅餘費銀捌
百柒拾叁兩有零

按舊志長甯鹽引肆拾肆道康熙四十八年定額引
壹千道其時係縣令傾粟發賣至前任蔡令始募商
人代銷而督銷之責仍在官也查鹽埠向設城中山
谷居民遠近不一勢難徧售卽此現在額鹽亦必稽
查小販令其輪流赴埠方得告銷額外斷難增益乃
自乾隆五年以來平遠興甯二埠鹽觔頗多壅積議

于填頭過峽之地令贛屬七邑民販銷融并取各縣
銷融額數屢催議覆大費周章查本邑去填頭壹百
肆拾里往反必須數日而貧民負販資本無多所挑
有限所獲幾何道途之食用何來妻子之待哺可慮
又議自縣發票赴買鹽竟則視爲緩局迫則望若畏
途必有貧戶賣揮奸民克賺之弊况長甯額引均屬
潮鹽銷融之額若多本埠之鹽必積此尤上艱

國課下累商人者也夫民以饑寒困頓之身係父母妻子
之命不得已而肩挑步担奔走營生舍此不爲尙圖
別幹何苦拘身鹽販聽命半盆填頭無減價之鹽本

邑豈有賺錢之販苟非所願豈可強行雖職司其政
不憚遠猷而目擊其艱仍宜三覆此目下之切務利
害之所關方當議詳節畧其由如左 附郵政

育嬰堂

舊在分司後遷春旭門內又阜成門內有育嬰堂
廢基道光十八年倪承璐倡捐鼎建北門牛角灣

養濟院在阜城門外邑厲壇之前孤貧捌名糧銀壹拾肆

兩肆錢冬布銀壹兩陸錢又增口糧銀壹拾貳兩捌錢

乾隆七年賦役全書

乾隆八年增孤貧貳名加口糧銀柒兩貳錢共拾名口糧

銀叁拾陸兩遇閏加銀叁兩

漏澤園舊在北門城外一在東門外一在縣背嶺 府志

義塚在阜城門外邑厲壇右雍正十二年知縣陶正士奉
詔設立擇地豎碑廣壹拾陸丈袤貳拾丈

曹起達曰岐陽瘞枯骨至今稱頌竊以暴露之不若
預爲之所也掩骼薶骹著爲月令知無祀著之體骸
封固爲上古希有之事

國家恩意廣遠厚民之生卹民之死尤念旅櫬雍正十年
詔州縣立義塚厝在旅之無歸者俾旅與旅相近縱死者
不能保其首邱而黃昏月夜間必不如滯南越者向
遊人而索題

聖朝殊恩真遠過上古哉

風俗

扶輿清淑於人萃鍾性本相近習乃相從彈丸山城崇
儉忌豐農耕士讀俗無忿克

聖朝道一漸摩同風禮義名節共樂時雍

志風俗

每歲臘月二十四夜設餚糕菓品祀竈祝謝除夕具雞豚
盤饌享祖先掛門錢貼宜春帖燒爆竹張燈聚老幼歡
飲壯者守歲元旦或張祖先遺像羅拜擇吉時開門合
家老少賀歲次及親朋來往盡正月肆筵酬酢各曰團
年

上元十一至十七夜家門張燈剪羅絲紙札爲之仍扮龍

獅故事諸劇笙笛鑼鼓喧天震地看燈者填街塞巷所謂預祝豐年也與他邑無異諺云雨打殘燈碗早禾一把稗雨打上元宵早禾壓斷腰

寒食節合族會祀祖先於宗祠仍每墳備鼓樂牲醴分日祭掃合通邑計之刑猪不下萬口終歲之費莫耗於此雖展敬有加而靡費亦甚侈矣

端午包箬粽插艾蒲酌雄黃酒浴百草湯親朋饋贈無異他俗惟於六月六日宋人謂之天貺節者獨南橋八付黃鄉各保祈賽田祖輪年備席聚飲於社館饌爭尙豐盈名曰賽盤貧乏至有鬻產者亦侈靡之一端也

中元祀祖先外化紙以散孤魂中秋漬桂酒遺月餅以賞月重九黃酒登高皆如他邑此一歲時節之大概也至如冠禮已不可復婚嫁喪祭不能純用古禮雜以鄉俗行聘致賀頗豐儉得宜惟治喪一事送軸行弔座客盈庭酒饌竟同宴享數十席迄數百席耗費無算所當痛革以節流者鄴鄔數保治喪不延僧懺送猶爲循古泛濫二氏者可以省矣

南方之俗多好巫鬼疾病不求醫惟問之巫曰某方某鬼作厲禳之則吉富家則曰非調神不可韓公云爲之醫藥以濟其夭死未有乞靈於山野之邪巫也其亦楚巫

越巫之流風遺俗與

童蒙五歲就塾師讀經書稍長則會數十人敦師講義然亦僅攻帖括於聖賢內聖外王之學不求登堂而入室與夫古學一道不畱心講究今雖卓然奮興亦復晨星落落則振興之責端在吾徒

邑處萬山山無生息所恃以謀生者止此山鑿之田故從事南畝者披星帶月無地不墾無山不種無待勸也地之所出僅足敷食指今戶口益稠倘遇歉薄則仰給於他處甚厯司牧之慮牽車服賈者多計贏於遠方面居肆百工亦無奇技淫巧婦女荆釵裙布有力家亦少珠翠羅綺之飾至於楮吏胥役悉自本邑承充省府各衙門雖間有亦無引類滋蔓因緣爲奸者也

本縣之俗男勤而女亦勞男則力作婦則紡績刻無甯晷然其獲利甚微類不能自給故從無人寺燒香朝山求嗣之事瘠土好義此其一徵也

風俗之尤宜亟爲變革者則在賭博一事游手懶惰不治專業以鼓誘爲生鬪牌押寶揸攤擲滿百十爲羣一墮其術則身家立敗始於賭繼於盜不可究詰更有城鄉各處每歲斂錢演唱大戲卽於場中招致遠方無賴成羣結黨開場聚賭名爲演戲實則會賭及戲畢而破敗

家業者既無數矣此實邑中戕根伐本之大蠹也其責固在父兄之教而賢司牧憫彼蚩蚩亦大關隱憂矣考夏令曰九月除道十月成梁長邑無論山村僻谷樵採之徑場功畢近地之民多糾集鄉鄰畚插修治水淺則聚石水深則架橋水廣則購資贍渡凡通衢要路五里十里必設茶亭升斗之穀貧者亦樂從事此亦吾邑利濟之一端也

長邑好訟雖不乏人然作奸犯科者亦少其始不過挑唆是非嚇詐酒食稍不如意扛帮成訟黨護偏袒甚至背僉硬証鄉里不勝其忿仰藥自縊以圖報復者有之苟聽訟之下清正廉明鞠得其情明正其罪雖有悍民未有不畏者至於大奸大惡身羅顯戮自建縣以來屈指可數是又吾邑鄉俗之近淳也

沈濤曰蠶桑天下之大利長甯雖有絲毫稅之名實非土產當事者勸民徧植湖桑以普厥利其議終格不行夫桑性喜陽而槁於旱蠶性喜煖而病於濕長甯春夏苦濕秋冬苦燥燥則桑不榮濕則蠶必病其不便者一把蠶之婦閉之室中衣不解足不出者累月長甯婦女抱甕出汲之事日不暇給一旦閉之蠶室頓失臂指之助其不便者二况本縣所無而或爲他邑所有卽數百里

內亦可相通贛則一府之中亦少其種乃欲於數千里外取法杭湖之蠶其不便者三如此則雖官給資本而懸其賞格曾何益於百姓夫土繭蕉絲之屬亦長邑之一利繭絲累勛值布丈許其利甚微土繭食柏葉織繭一疋值價數兩其利十倍於蕉而蓄蠶之家十僅一二何也則植柏不廣而織絲無具也若於村落曠間之地徧植柏樹以廣蠶食更採繅車織具而爲之制令能其事者教之則十年以後利可徧於一邑矣夫野蠶之性不畏陰雨而無蠶室之婦其便一山土宜柏植之廣則相油之利不減茶桐其便二無蠶桑之勞而收蠶桑之利此吾採訪民情而知其所便者故特表而出之後之畱心民瘼者得所採焉

吳之章曰廉恥者厲世磨鈍之資不容一日或息者也吾邑喜爲萬民衣萬民織之類以媚當事此古龔黃召杜之所必無不過欲由此以通苞苴求染指事敗則去不顧矣至於截鐙畱鞭攀轅卧轍之事古之循良亦屬僅見今則送位脫靴竟爲故事此豈賢司牧之所樂受哉邱上峯曰邑俗尚儉樸布袍蔬食不艷華麗士敦操尚惜廉恥民力稼穡女勤紡績燕會數肴婚喪儉約依然唐魏之風以土瘠民貧源畜則流約酌劑之道宜爾也近

今來稍尚侈靡啗樸素倡於一二少年遂相效尤勢不可挽夫量入爲出古有明訓以瘠土而效尤沃土之習是猶疋羸之夫而強肩賁育之任鮮有不斷筋絕脰者砥柱固在士夫化導則望之賢牧

論曰禮貴得中儉爲近古夫冠婚喪祭稱家有無其誰曰不然至於尊祖敬宗以及祈年報賽禮儀有加固誠慤之所積然至鬻產爲之亦憊甚矣彈丸之邑生息無多處其中者非耕卽讀正當調劑適均作生生不已計奈何日趨於麗而競效其尤獨不思流不節者其源必涸惟在一二士大夫起而矯之其始鮮不爲衆所嗤久

焉與之俱化奢侈之風漸息禮義之念日生誦詩讀書方將與先聖爲徒明動晦休更復於已力是愛雖有遠方無賴亦不能愚嚮義者而使之蕩其家業此正本清源之道不可不急講於今日也司牧者烏容視爲局外哉



